



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fulvii Androtii Societ: Iesv Theologi Opuscula spiritualia

Androzzi, Fulvio

Coloniæ, 1611

De intentione communicantium.

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)

DE INTENTIONE COMMUNICANDI.

Inter cætera quæ præparationi sunt necessaria, principem ferè locum habet recta Intentio, & finis propter quem communices. Potest enim hic & bonus esse, & vitiosus. Fines verò quos rectè nobis propositos habere possumus, hos numerat S. Bouaventura,

1. Ut arctius copulemur cum Deo.
2. Ut hoc Sacramento, quasi medicina ab animi morbis conualescamus.
3. Ut quæ Deo tenemur, reddamus debita.
4. Ut rebus aduersus liberemur.
5. Ut certum aliquod à Deo donum impetremus.
6. Ut gratias referamus beneficijs Dei. Cum nihil sit, quod illi, gratius offerre possimus.
7. Ut laudemus Deum & Sanctos, quòd hoc sit sacrificium laudis.
8. Ut adiuuemus proximos viuentes, mortuosque.
9. Ut accipiamus spiritum Christi, per quem vivamus cum illa humilitate, charitate, obedientia, paupertate spiritus, mortificatione corporis, contemptu mundi, quibus olim Christus vixit.

Atque

COMMUNIONE.

67.

totque hic sit finis præcipuus.

10. Ad memoriam faciendam passionis Christi vt in Euangelijs & à S. Paulo iubemur.

11. Vt Deo gratum præstemus officiū, qui vehementer desiderat esse nobiscū, vt hinc eius voluntati satisfaciamus. Cum hoc fine coniungi etiam possunt omnes suprā positi.

DE DEVOTIONE.

L Abora, dum communicaturus es, vt commouearis sensu quodam intimo pietatis, seu deuotione, vt vocant, actuali. Id fiet, si consideres Dei immensitatem, & tuam indignitatem: quæ tibi ille beneficia dederit, quibus tu illū peccatis offenderis. Formabis igitur te animo in speciem filij Prodigij, aut Publicani, aut mulieris, quæ in adulterio deprehensa, redit ad maritū veniā petitura. Præter omnia excitabit te cogitatio de magnitudine amoris Dei in Creaturā.

QUATVOR, QUÆ S. MECHTILDIS considerabat communicatura.

Primo, magnū Dei amorem, quo ille de se ab omni æternitate cogitasset,

2. Quòd se creasset, cū sciret tam ingrattam illam suæ Maiestati futuram.

3. Quòd voluisset mori in cruce, & sanguine suo satisfacere pro suis peccatis æterno Patri.

4. Quòd:

68 DE FREQUENT.

4. Quod ex amore ipsius voluisset manere in hoc Sacramento, ut pasceret illam sua carne, & mundaret suo sanguine.

DE FAME HVIVS
Sacramenti.

Magna huius Sacramenti fame affici deberemus, & propter eam in eo usurpando frequentes esse: cum nō minus hic sit verus & proprius animi pastus, quā eius venenum fuerit pomum vetitum. Excitabit famem harum quatuor rerum consideratio.

1. Necessitas nostra, in qua sumus.
2. Imitationes Christi, & minus si nō accedamus.
3. Desiderium Sanctorum id optantium.
4. Fructus huius Sacramenti.

FRUCTVS S. EV-
charistie.

Primo remittit peccata præterita, quæ obliuione exciderunt.

2. Confirmat aduersum futura.
3. Debilitat vitiosos animi impetus.
4. Tentationes minuit.
5. Ad pietatis studium incitat.

6. In-